

Urkundenbuch der Reichsabtei Hersfeld. Erster Band (Ed. Weirich) Nr. 13

Karolus gratia dei rex Francorum et Longobardorum ac patricius Romanorum. Si iustis petitionibus sacerdotum vel servorum dei libenti animo obaudimus, hoc nobis ad mercedem vel stabilitatem regni nostri in dei nomine pertinere confidimus. Ideoque notum sit omnium fidelium nostrorum magnitudini, qualiter nos propter nomen domini et animae nostrae salutem donamus ad monasterium sanctorum apostolorum Symonis atque Tatheï, quod est situm super fluvium Fuldam in pago Hassorum, ubi venerabilis vir Lullus episcopus rector praeesse videtur, donatumque in perpetuum esse volumus mansum scilicet dominicatum in loco qui dicitur Ovlaho, ubi ipse fluvius confluit in Fuldam, quem Huwart, filius Gerhardi, tenuit infra silvam Buchoniam; et in circuitu ipsius mansi in unamquamque partem de silva leugas a duas ea ratione, ut ab hac die pars ipsius monasterii de praedicto manso et silva, quicquid elegerint faciendum, ab hodierno die libero in omnibus perfruantur arbitrio, quatenus nostris et futuris temporibus domino adiuvante ad ipsum sanctum locum proficiat in augmentis et ut melius delectet ipsam congregationem pro nobis uxoreque nostra et prole etiam domini misericordiam attentius exorare. Et ut haec praeceptio firmior habeatur vel diuturnis temporibus melius conservetur, manu propria subter eam decrevimus roborare. Wigbalt advicem Radonis recognovi. Data VIII kal. oct. anno XI et V regni nostrri; actum Herstallio palatio publico; in dei nomine feliciter amen.